

110 學年度校內語文競賽客家語朗讀文章（海陸腔）

編號 1

【賣菜】謝惠如原作

記得讀三年生該下，屋下人多，食用乜多，阿姆除了田事，還愛打理一屋人个三餐，所以利用屋側角該埕空地來種菜，種啊種仔，菜嘅多到食毋去，將就載去街路賣。

冬禾割忒後个一隻寮日，阿姆愛偲踅佢去搨賣菜，到市場个路脣，阿姆停好自行車，撈後斗疊到尖起來个角菜，下十過抓<sup>1</sup>來喊偲在該掌等賣，橫直斯無講又黏時載去街路等賣咧，掉偲<sup>2</sup>一儕在該企等呆呆，毋知愛仰結煞正好。

偲本成就面皮薄，見看著毋識个人會面紅濟炸，毋好講愛喊人來買菜咧，無結無煞个偲，敗勢到頭犁犁，全毋敢臥起來看人，好得隔壁賣番薯个老伯姆看偲恁恬又畏羞，笑笑仔講：「細阿妹仔，毋使驚，你做你大聲喊賣菜，人聽著就會撇轉來看你賣麼个，無定著有佢想愛買个菜，鴨嫲嘴愛罔吮正好有好食，來！偲喊分你聽：『來唷！來買番薯唷！好食个番薯又粉又甜哦，包你食了還會倒

轉來買唷！』」聽著老伯姆个喊賣以後，偲就膽大大試喊：「來唷！來買菜哦！一抓十個銀定定。」正喊啊煞，一個阿姨聽著黏時停下來買，還緊講偲恁乖、恁曉得。聽著佢个阿腦，偲暢到緊喊緊大聲，行過偲面前个人，十個有八個大體會頓恬下來撈偲買菜，無幾久就賣忒咧，分偲試著賣菜一息都毋會難。

冬下頭日仔短，臨暗仔放學轉到屋下，鞋一脫、衫一換，黏時斯走去菜園撈阿姆搨摘菜。暗晡頭食飽夜後，撈阿哥兩儕開始擇菜、秤菜，偲兜負責个事，除了愛撈一頭一頭有黃葉撈燥葉个蓋<sup>3</sup>擘忒以外，還愛撈有泥个菜蓋搨搨仔，整理好勢咧，一抓一抓秤分佢平重正綑起來。阿姆長下交代偲兜：「有東西好賣，斤兩定著愛罈，雖然正十個銀、八角又乜係錢，秤頭就係路頭，毋好去批人。還有賣食个東西，自家愛敢食正好拿去賣人。」這兜話偲全部記在心。

賣菜雖然係一種細生理賺無麼个錢，也無麼个大學問，毋過對這擇菜、賣菜个過程裡肚，分偲學著當多做人做事个道理。

<sup>1</sup> 下十過抓：音 ha' shib` go` za`；解下十多把。

<sup>2</sup> 掉偲：音 tiau` ngai；丟下我。

<sup>3</sup> 蓋：音 hab；老菜葉、外葉。

## 新竹市東區東園國民小學

### 110 學年度校內語文競賽客家語朗讀文章（海陸腔）

#### 編號 2

#### 【祕密森林】林貴珠原作

佢從細斯當好在山林肚、河壩脣搞寮，一到放寮日就滿哪仔遊遊野野，搞到斷烏正轉屋。記得讀小學該下，總係好跣阿娥厥姆去美濃山下拈樵，阿娥厥爸當早就過身咧，單淨倚恃厥姆做小工來畜一屋大細，阿娥盡知人我，放寮日總係會跣厥姆去山肚拈樵相添，佢長下擲衫尾跣等去，摺佢兜共下山林肚遶寮，對佢來講，這座山林全全係寶。

打早佢背等飯包摺佢兜共下去，在山林肚佢兜搞園人尋，摺這一大片个山林變到佢兜个運動坪躡上躡下<sup>1</sup>，在樹頂爬上爬下毋輸山猴仔，麼个愁慮早就飛走咧，飛到天西恁遠去，佢个心情就像著等靚靚花裙在該跳舞个蝶仔，飛上飛下，仰般自在、仰般快樂！走到汗流脈落斯去山坑脣搞水，山坑水鮮又鮮、啖一口透心涼，坑水涼又甜，較贏雜貨店个枝冰。續等搨石牯捉蝦公、捉毛蟹、捉魚仔，唱等佢自家个山歌，快樂个歌聲跣等坑水傳遍歸隻山窩壠壁，流過

莊頭，流到闊野野个天際。

成時膨尾鼠來做伴，佢个嘴蠕蠕動看等佢兜手町个零嗒，錫到佢口水強強就會跌下來咧，實在得人惜！還有領領拜个山狗太，佢看你，你看佢，成時四腳惹天盡生趣，行到笏竹頭下，聽著唧唧唧个叫聲；佢兜摺手町个銅笏仔張滄水灌落地泥下个空肚，無幾久就看著另外一隻空仔趟出土狗仔來，一隻、兩隻，成時做得透<sup>2</sup>著三、四隻土狗仔。搞恁咧，坐在相思樹下，山風柔柔仔吹過樹林，聽等土狗仔唧唧滾挨弦仔，山坑水摺笏竹合奏出大自然个樂曲，這係最錫人聽个音樂。

快樂个時間總係恬恬仔溜啊過，一瞞目就到斷烏愛轉屋咧，猴嫲背等細猴仔攀籬吊壁愛轉竇，佢兜就踏等紅霞下山，貓頭鳥咕咕滾摺佢兜講「正來寮」，伯姆孩等滄滄个幸福，佢乜袋等滄滄个快樂轉屋，感謝這座山林加添佢生趣又無共樣个童年生活，感謝一溜里來陪等佢成長个好山好水，對佢來講，搞上搞下毋當美濃山下，這係佢心肝肚最靚个祕密森林。

<sup>1</sup> 躡上躡下：音 liung ˇ shong ˇ liung ˇ ha ˇ；跑來跑去。

<sup>2</sup> 透：音 teu+；灌水入洞，使蟲出來。